



XALQ DEPUTATLARI BUXORO SHAHAR KENGASHINING QARORI

2022 - yil 30 - dekabr

VI-83-184-2-42-K/22

Buxoro shahar hokimligi

Бухоро шаҳрининг 2023 йилги маҳаллий бюджетини тасдиқлаш тўғрисида

“Маҳаллий давлат ҳокимияти тўғрисида”ги Ўзбекистон Республикаси Қонунининг 6, 24-моддалари, Бюджет кодексининг 99-моддаси, “2023 йил учун Ўзбекистон Республикасининг Давлат бюджети тўғрисида”ги Қонунига мувофиқ, халқ депутатлари Бухоро шаҳар Кенгаши

Қ А Р О Р Қ И Л А Д И:

1. Ўзбекистон Республикасининг “2023 йил учун Ўзбекистон Республикасининг Давлат бюджети тўғрисида”ги Қонуни ижро ва раҳбарлик учун қабул қилинсин.

2. Ўзбекистон Республикасининг “2023 йил учун Ўзбекистон Республикасининг Давлат бюджети тўғрисида”ги Қонунига мувофиқ, Бухоро шаҳар маҳаллий бюджетининг 2023 йил учун даромадлари 206,2 млрд.сўм, харажатлари 290,4 млрд.сўм прогноз қилинганлиги ҳамда юқори бюджетдан ажратиладиган тартибга солувчи бюджетлараро трансфертлар 84,3 млрд.сўм миқдорида тасдиқланганлиги маълумот учун қабул қилинсин.

3. 2023 йил учун Бухоро шаҳрини ривожлантиришнинг асосий макроиқтисодий кўрсаткичлари прогнози ҳамда 2024-2025 йилларга мақсадли мўлжаллари 1-иловага;

2023 йил учун шаҳар маҳаллий бюджети даромадлари прогнози 2-иловага мувофиқ маълумот учун қабул қилинсин.

4. 2023 йил учун шаҳар маҳаллий бюджетидан бюджет маблағларини тақсимловчиларга ажратиладиган маблағларнинг чекланган миқдорлари 3-иловага мувофиқ тасдиқлансин.

5. 2023 йил учун шаҳар бюджетига умумдавлат солиқларидан ажратмалар нормативлари 4-иловага мувофиқ тасдиқлансин.

6. 2023 йил учун шаҳар маҳаллий бюджетининг даромадлари ва харажатларининг прогнози 5-иловага мувофиқ маълумот учун қабул қилинсин.

7. 2023 йил учун вилоят бюджетидан шаҳар маҳаллий бюджетига ажратиладиган тартибга солувчи бюджетлараро трансфертлар миқдорлари 6-иловага мувофиқ

тасдиқлансин.

Бунда, тартибга солувчи бюджетлараро трансфертлар миқдорини шаҳар маҳаллий бюджети даромадлари прогнози ижросидан қатъий назар камайтиришга йўл қўйилмаслиги Қонунда белгилаб қўйилганлиги маълумот учун қабул қилинсин.

8. 2023 йил учун шаҳар маҳаллий бюджетининг захира жамғармаси ҳажми 2,7 млрд. сўм миқдорида белгилансин.

Шаҳар бюджетининг 2023 йил учун захира жамғармаси тасдиқланган умумий харажатларининг камида 1,0 фоизи миқдорида шакллантирилсин.

9. 2023 йил учун шаҳар бюджети шахсий ғазна ҳисобварақларида турган бюджет маблағларининг йўл қўйиладиган энг кам миқдори 7-иловага мувофиқ белгилансин.

10. Ўзбекистон Республикасининг мазкур Қонуни билан 2023 йилда халқ депутатлари шаҳар Кенгашили маҳаллий бюджетни бошқаришда, хусусан маҳаллий бюджет харажатларини бюджет маблағлари тақсимловчилар кесимида тасдиқлаш ва уларнинг Кенгаш олдидаги ҳисобдорлигини белгилаш бўйича ваколатлари кенгайтирилганлиги инобатга олинсин.

Шунингдек, 2023 йилда қуйидаги солиқ турлари:

а) шаҳар бюджетига тўлиқ ҳажмда ўтказилади:

жисмоний шахслардан олинадиган мол-мулк солиғи;

жисмоний шахслардан олинадиган ер солиғи;

жисмоний шахсларга тегишли мол-мулкни ижарага беришдан оладиган йиллик даромади тўғрисидаги декларацияга асосан тўлайдиган, шунингдек якка тартибдаги тадбиркорлар тўлайдиган жисмоний шахслардан олинадиган даромад солиғи;

айланмадан олинадиган солиқ;

қонунчиликда белгиланган миқдорларда Ўзбекистон Республикасининг Давлат бюджетига ундириладиган бошқа йиғимлар (божхона органлари томонидан ундириладиган йиғимлардан, ғилдиракли транспорт воситалари, ўзйурар машиналар ва уларнинг тиркамалари учун ундириладиган утилизация йиғимидан, шунингдек автотранспорт воситалари ойналарининг тусини ўзгартиришга (қорайтиришга) рухсатнома бериш учун тўловдан ташқари);

сув ресурсларидан фойдаланганлик учун солиқ, бундан электр станциялари томонидан тўланадиган солиқ мустасно;

айрим турдаги товарларнинг чакана савдосига доир ҳуқуқ учун йиғимлар;

қурилиш материаллари бўйича ер қаъридан фойдаланганлик учун солиқ;

Мобиль алоқа хизматлари учун акциз солиғи ва алкоголь махсулотлари, шу жумладан пиво учун акциз солиғидан тушумлар 2022 йил 1 июль ҳолатига кўра шаҳар

аҳолисининг вилоят аҳолисидаги улушига мувофиқ ҳисоб-китоб қилинсин.

б) жисмоний шахслардан олинадиган даромад солиғи вилоят бюджети ҳамда шаҳар бюджети ўртасида тақсимланади.

11. Ўзбекистон Республикаси Президентининг 2022 йил 25 октябрдаги “Жамоатчилик фикри асосида шакллантириладиган лойиҳаларни молиялаштириш кўламини кенгайтириш чора-тадбирлари тўғрисида”ги ПҚ-409-сон қарорига асосан 2023 молия йилидан бошлаб:

а) “Обод қишлоқ” ва “Обод маҳалла” дастурлари доирасида молиялаштириладиган тадбирлар жамоатчилик фикри асосида “Очиқ бюджет” ахборот портали орқали овоз бериш йўли билан аниқланади.

Бунда, аҳоли томонидан амалга оширилиши таклиф этилаётган тадбирлар ҳар бир маҳалла бўйича битта лойиҳалар пакети шаклида овозга қўйилиши;

б) Қорақалпоғистон Республикаси республика бюджети, вилоятларнинг вилоят бюджетлари ва Тошкент шаҳрининг шаҳар бюджетида шаклланган қўшимча маблағларнинг 30 фоизи туман (шаҳар)ларда жамоатчилик фикри асосида шакллантирилган тадбирларни молиялаштириш учун туман (шаҳар)лар Фуқаролар ташаббуси жамғармаларига мавжуд аҳоли сони ва маҳаллалар сонидан келиб чиқиб, тенг улушларда йўналтирилиши;

в) ташаббусли бюджетлаштириш жараёнлари учун шаҳар бюджетининг 5 фоизи миқдорида, бироқ камида 6 миллиард сўм маблағ режалаштирилиши белгиланганлиги;

г) “Обод қишлоқ” ва “Обод маҳалла” дастурларини жамоатчилик фикри асосида ташаббусли бюджетлаштириш жараёнлари орқали амалга оширилишининг янги тартиби ишлаб чиқилиши маълумот учун қабул қилинсин.

12. Бухоро шаҳар ҳокимининг молия – иқтисодиёт ва камбағалликни қисқартириш масалалари бўйича биринчи ўринбосари, иқтисодий тараққиёт ва камбағалликни қисқартириш бўлими (Х.Яҳеёв), шаҳар ҳокимлиги молия бўлими (Ж.Аминов), шаҳар Давлат солиқ инспекцияси (А.Абдуллаев) шаҳар ҳокимлиги ва ташкилотлар билан биргаликда:

тегишли бюджетларни биринчи навбатда иш ҳақи ва унга тенглаштирилган тўловлар, озиқ-овқат ва дори-дармон ва коммунал хизматлар харажатларининг режалаштирилишини назарда тутган ҳолда шакллантириш;

маҳаллий бюджет прогноз кўрсаткичларни ўз вақтида ва самарали бажариш;

бюджет маблағларидан мақсадли ва самарали фойдаланиш;

бюджет интизомига риоя этилиши устидан назорат ва масъулиятни янада кучайтириш;

тегишли маҳаллий бюджетларга солиқлар ва бошқа мажбурий тўловларнинг тўлиқ

тушумини таъминлаш;

бюджет даромадлар базасини ошириш ва қўшимча резервларни аниқлаш зарурлигига алоҳида эътибор қаратсин.

13. Бухоро шаҳар давлат солиқ инспекцияси (А.Абдуллаев) ва тегишли давлат ташкилотлари билан биргаликда Ўзбекистон Республикаси Солиқ кодексида белгиланган ваколатларидан келиб чиқиб:

солиқларнинг тўлиқ ва тўғри ҳисобланишини ҳамда ушбу солиқларни ўз вақтида бюджетга ундирилиши устидан солиқ назоратини кучайтириш;

ер солиғи, сув ресурсларидан фойдаланганлик учун солиқ ва мол-мулк солиқлари бўйича доимий таҳлиллар ўтказган ҳолда, солиқларни тўлиқ ҳисобланишини таъминлаш ҳамда ушбу солиқ тўловлари бўйича солиқ қарздорлигига йўл қўймаслик чораларини кўриш;

айланмадан солиқ тури бўйича солиқ тўловчилар томонидан нақд пул айланмаларининг солиқ ҳисоботларида тўлиқ акс эттирилиши устидан доимий солиқ назоратини ўрнатиш ҳамда зарур ҳолларда хронометраж ва камерал солиқ назорати тадбирларини ўтказиш;

Бунда, мазкур йўналишда жамоатчилик назоратини кучайтириш мақсадида фуқароларга харид чекини талаб қилиб олишни тарғиб этувчи ижтимоий роликлар ҳамда видео материаллар тайёрлаб, ижтимоий тармоқлар ва оммавий ахборот воситаларида кенг тарғибот-ташвиқот ишларини олиб боришга алоҳида эътибор қаратиш;

хатлов ишларини самарали ташкил этиш орқали ер ва мол-мулк солиғининг солиқ базасини ошириш;

Вилоят “Ермулккадастр” давлат корхонаси Бухоро шаҳар филиали бошлиғи (Ж.Ҳабибов) билан биргаликда шаҳарда мавжуд солиқ тўловчиларнинг мол-мулклари майдонларини чуқур таҳлил этган ҳолда ушбу мол-мулкларга нисбатан солиқларни тўлиқ ҳисобланишини таъминласин.

14. Мажбурий ижро бюроси шаҳар бўлими (Д.Собиров), шаҳар Давлат солиқ инспекцияси (А.Абдуллаев) билан ҳамкорликда солиқлар ва бошқа мажбурий тўловлар бўйича мавжуд солиқ қарздорликларини бюджетга ундириш юзасидан тегишли чоралар кўриб борсин ҳамда чораклар якуни билан солиқ қарздорликларининг чорак бошига нисбатан камайиб бориши бўйича барча комплекс чора-тадбирлар кўриб боришни таъминласин.

15. Бухоро шаҳар ҳокимининг ўринбосари - инвестициялар ва ташқи савдо бўлими (М.Рахматов), шаҳар Давлат солиқ инспекцияси (А.Абдуллаев)га Давлат активларини бошқариш агентлиги вилоят ҳудудий бошқармаси ҳамда бўш турган объектларидан самарали фойдаланишни ташкил этиш марказининг Бухоро вилоят ҳудудий бошқармаси билан биргаликда:

бўш турган давлат мулки объектларини аниқлаш бўйича хатлов ишларини самарали ташкил этиш;

хатлов натижаларига кўра шаҳарда мавжуд бўш турган давлат мулки объектлари рўйхатини шакллантириш;

шакллантирилган рўйхатга асосан бўш турган давлат мулки объектларини ижарага бериш ёки сотиш бўйича тегишли таклифлар тайёрлаш;

бўш турган давлат мулки объектларини ижарага бериш ёки сотиш бўйича ижтимоий тармоқлар ва оммавий ахборот воситаларида роликлар ва видео-материаллар тайёрлаш;

хусусийлаштирилиши мўлжалланган бўш турган давлат мулки объектларини «e-ijro auksion» майдончаси орқали сотиш ишларини ташкиллаштирсин.

16. Бухоро шаҳар давлат солиқ инспекцияси (А.Абдуллаев) шаҳарда суғоришга сарфланаётган сув ҳажмлари бўйича аниқ ҳисоб-китоблар юритган ҳолда мазкур истеъмол ҳажмлари бўйича сув ресурсларидан фойдаланганлик учун солиқларни тўлиқ ҳисобланишини ҳамда молия йили якунига қадар маҳаллий бюджетга тўлиқ ундириб олиш чораларини кўрсин.

Бунда, қишлоқ хўжалиги корхоналари томонидан истеъмол қилинаётган сув ресурслари ҳажмлари ва ушбу ҳажмлар бўйича ҳисобланаётган сув солиқлари бўйича доимий таҳлиллар ўтказишга алоҳида эътибор қаратилсин.

17. Бухоро шаҳар ички ишлар органлари фаолиятини мувофиқлаштириш бошқармаси (Б.Шарипов), шаҳар йўл ҳаракати хавфсизлиги бўлими (М.Эргашев), Мажбурий ижро бюроси шаҳар бўлими (Д.Собиров) ҳисобланган бож, жарима ва йиғимларни ўз вақтида ўрнатилган тартибда бюджетга ундириш чораларини кўриб борсин.

18. Халқ депутатлари шаҳар Кенгашининг маҳаллий бюджет, иқтисодий ислохотларни амалга ошириш, инвестициялар ва тадбиркорликни ривожлантириш масалалари бўйича доимий комиссиясига:

маҳаллий бюджетнинг қўшимча манбаларидан фойдаланиш тўғрисидаги ҳокимлик томонидан тақдим этиладиган таклифларини белгиланган муддатларда жамоатчилик муҳокамасидан ўтказиш ва бюджет қонунчилигига тўлиқ риоя этилган ҳолда Кенгаш қарор лойиҳасини ишлаб чиқиш;

Кенгаш қарори асосида маҳаллий бюджетнинг қўшимча манбалари ҳисобидан ажратилган маблағларни самарали ва мақсадли фойдаланиши устидан назорат ўрнатиш, тавсиялар бериш ва мониторинг қилиш;

маҳаллий бюджет харажатларининг қонунчиликда белгиланган қисмининг жамоатчилик фикри асосида шакллантирилган тадбирларни молиялаштиришга йўналтирилишида иштирок этиш ва ушбу маблағларнинг мақсадли сарфланиши устидан

назоратни амалга ошириш вазифаси топширилсин.

19. Бухоро шаҳар ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари, иқтисодий тараққиёт ва камбағалликни қисқартириш бўлими бошлиғи (Х.Яҳеёв)га:

маҳаллий бюджет даромад ва харажатларининг прогноз кўрсаткичлари бажарилиши ҳамда солиқ базасини кенгайтириш юзасидан қўрилган чора-тадбирлар;

ажратилган бюджет маблағларидан мақсадли ва самарали фойдаланиши юзасидан эришилган натижалар бўйича халқ депутатлари шаҳар Кенгашига чоракда камида бир маротаба ҳисобот киритиб борсин.

20. Мазкур қарор “Бухоро оқшоми” газетасида расмий эълон қилинсин ҳамда шаҳар ҳокимлигининг расмий веб-сайтига жойлаштирилсин.

21. Ушбу қарор расмий эълон қилинган кундан бошлаб кучга киради.

22. Мазкур қарорнинг бажарилишини назорат қилиш халқ депутатлари шаҳар Кенгашининг маҳаллий бюджет, иқтисодий ислохотларни амалга ошириш, инвестициялар ва тадбиркорликни ривожлантириш масалалари бўйича доимий комиссияси зиммасига юклансин.

Бухоро шаҳар ҳокими



Ж.Носиров

Xalq deputatlari Buxoro shahar
Kengashining
2022 yil 30 dekabrda
VI-83-184-2-42-K/22-son qaroriga
1-ilova

**Бухоро шаҳрини 2023 йилга ривожлантиришнинг макроиктисодий кўрсаткичлари
прогноз кўрсаткичлари ҳамда 2024-2025 йилга мўлжаллари**

№	Кўрсаткичлар	2023 йил учун прогноз	Мўлжал	
			2024 йил	2025 йил
1	Истъемол нархлари индекси, декабрда аввалги йил декабрь ойига нисбатан, фоизда	109,2	109,0	108,9
2	Саноат маҳсулотларининг ўсиш суръати, фоизда	106,9	108,7	109,7
3	Қишлоқ, ўрмон ва балиқ хўжаликларида ишлаб чиқаришнинг ўсиш суръати, фоизда	102,5	103,1	103,3
4	Чакана товар айланмасининг ўсиш суръати, фоизда	118,6	119,7	120,2

Xalq deputatlari Buxoro shahar
Kengashining
2022 yil 30 dekabrda
VI-83-184-2-42-K/22-son qaroriga
2-ilova

**Бухоро шаҳар маҳаллий бюджети даромадларининг 2023 йилдаги асосий прогноз
кўрсаткичлари**

млн.сўмда

Т/Р	Даромад турлари	Жами
1	Юридик шахслардан олинадиган фойда солиғи	
2	Айланмадан олинадиган солиқ	49 416,0
3	Жисмоний шахслардан олинадиган даромад солиғи	51 832,8
4	Қўшилган қиймат солиғи	
5	Акциз солиғи, жами	
	<i>шу жумладан:</i>	
	<i>- бензин, дизел ёқилғиси ва газ реализациясидан солиқ</i>	
6	Юридик шахсларнинг мол-мулкига солинадиган солиқ	4 116,2
7	Жисмоний шахсларнинг мол-мулкига солинадиган солиқ	23 555,0
8	Юридик шахслар ер солиғи	12 811,0
9	Жисмоний шахслардан олинадиган ер солиғи	11 886,0
10	Ер қаъридан фойдаланганлик учун солиқ (норуда материаллари)	665,0
11	Сув ресурсларидан фойдаланганлик учун солиқ	2 471,0
12	Давлат божи	
13	Жарималар	
14	Ижара тўлови	2 920,0
15	Давлат ташкилотларининг соф фойдасидан даромад	
16	Йиғимлар	
17	Хусусийлаштириш	
18	Бошқалар	
ЖАМИ		157 895,3
19	Ўтказиб бериладиган даромад	46 495,6
20	Тартибга солувчи бюджетларaro трансфертлар	84 273,5
ҲАММАСИ		290 442,05

Xalq deputatlari Buxoro shahar
Kengashining
2022 yil 30 dekabrda
VI-83-184-2-42-K/22-son qaroriga
3-ilova

**2023 йил учун Бухоро шаҳар маҳаллий бюджетидан бюджет маблағларини
тақсимловчиларга ажратиладиган маблағларнинг чекланган миқдорлари**

млн.сўмда

№	Кўрсаткичлар	Миқдори
	ХАРАЖАТЛАР-ЖАМИ	290 442,05
	<i>шу жумладан:</i>	
1	Бухоро шаҳар мактабгача таълим бўлими	24 791,8
	<i>шу жумладан:</i>	
	жорий харажатлар	24 791,8
	объектларни лойиҳалаштириш, қуриш (реконструкция қилиш) ва жиҳозлаш учун капитал қўйилмалар	
2	Бухоро шаҳар халқ таълими бўлими	11 938,8
	<i>шу жумладан:</i>	
	жорий харажатлар	11 938,8
	объектларни лойиҳалаштириш, қуриш (реконструкция қилиш) ва жиҳозлаш учун капитал қўйилмалар	
3	Бухоро шаҳар тиббиёт бирлашмаси	89 600,3
	<i>шу жумладан:</i>	
	жорий харажатлар	89 600,3
	объектларни лойиҳалаштириш, қуриш (реконструкция қилиш) ва жиҳозлаш учун капитал қўйилмалар	
4	Бухоро шаҳар маданият бўлими	24 040,1
	<i>шу жумладан:</i>	
	жорий харажатлар	24 040,1
	объектларни лойиҳалаштириш, қуриш (реконструкция қилиш) ва жиҳозлаш учун капитал қўйилмалар	
5	Спорт	4 974,6
	<i>шу жумладан:</i>	
	жорий харажатлар	4 974,6
	объектларни лойиҳалаштириш, қуриш (реконструкция қилиш) ва жиҳозлаш учун капитал қўйилмалар	
6	Бухоро шаҳар молия бўлими	1 865,9
	<i>шу жумладан:</i>	
	жорий харажатлар	1 865,9
7	Бухоро шаҳар ветеринария ва чорвачиликни ривожлантириш бўлими	1 034,8
	<i>шу жумладан:</i>	
	жорий харажатлар	1 034,8
	объектларни лойиҳалаштириш, қуриш (реконструкция қилиш) ва жиҳозлаш учун капитал қўйилмалар	

8	Шаҳар аҳоли бандликка қўмаклашиш маркази	752,0
	<i>шу жумладан:</i>	
	жорий харажатлар	752,0
	объектларни лойиҳалаштириш, қуриш (реконструкция қилиш) ва жиҳозлаш учун капитал қўйилмалар	
9	Бухоро шаҳар ҳокимлиги	114 769,3
	<i>шу жумладан:</i>	
	жорий харажатлар	114 769,3
	объектларни лойиҳалаштириш, қуриш (реконструкция қилиш) ва жиҳозлаш учун капитал қўйилмалар	
10	Бухоро шаҳар маҳалла ва нуронийларни қўллаб-қувватлаш бўлими	6 298,0
	<i>шу жумладан:</i>	
	жорий харажатлар	6 298,0
	объектларни лойиҳалаштириш, қуриш (реконструкция қилиш) ва жиҳозлаш учун капитал қўйилмалар	
11	Ёшлар ишлари агентлиги Бухоро шаҳар бўлими	5 432,6
	<i>шу жумладан:</i>	
	жорий харажатлар	5 432,6
	объектларни лойиҳалаштириш, қуриш (реконструкция қилиш) ва жиҳозлаш учун капитал қўйилмалар	
12	Халқ қабулхонаси (қабуллар уйи)	86,4
	<i>шу жумладан:</i>	
	жорий харажатлар	86,4
	объектларни лойиҳалаштириш, қуриш (реконструкция қилиш) ва жиҳозлаш учун капитал қўйилмалар	
13	Халқ депутатлари шаҳар Кенгаш котибияти	311,0
	<i>шу жумладан:</i>	
	жорий харажатлар	311,0
	объектларни лойиҳалаштириш, қуриш (реконструкция қилиш) ва жиҳозлаш учун капитал қўйилмалар	
14	Бухоро шаҳар оила ва хотин-қизлар бўлими	4 546,2
	<i>шу жумладан:</i>	
	жорий харажатлар	4 546,2
	объектларни лойиҳалаштириш, қуриш (реконструкция қилиш) ва жиҳозлаш учун капитал қўйилмалар	

Xalq deputatlari Buxoro shahar Kengashining
2022 yil 30 dekabrda
VI-83-184-2-42-K/22-son qaroriga
4-ilova

Умумдават солиқларидан шаҳар маҳаллий бюджетига 2023 йилдаги ажратмалари меъёрлари

фоииз ҳисобида

T/P	Шаҳар ва туманлар номи	Юридик шахслардан олинадиган фойда солиғи	Айланмадан олинадиган солиқ	Жисмоний шахслардан олинадиган даромад солиғи**	Якка тартибдаги тадбиркорлар учун жисмоний шахслардан олинадиган даромад солиғи	Якуний истеъмолчиларга бензин, дизель ёқилғиси ва газ реализация қилишдаги акциз солиғи	Юридик шахсларнинг мол-мулкига олинадиган солиқ*	Жисмоний шахсларнинг мол-мулкига олинадиган солиқ	Юридик шахслар ер солиғи*	Жисмоний шахслардан олинадиган ер солиғи
1	Бухоро шаҳри	0	100	8	100	0	20	100	50	100
T/P	Шаҳар ва туманлар номи	Ер қаъридан фойдаланган-лик учун солиқ (норуда материаллари)	Сув ресурсларидан фойдаланганлик учун солиқ	Давлат божлари	Жарималар	Йиғимлар	Давлат ташкилотлари фойда солиғи***	Давлат мулки бўйича ижара тўловлари	Хусусийлаш-тириш	Бошқалар****
1	Бухоро шаҳри	100	100	0	0	0	0	100	0	0

Изоҳ.: * йирик солиқ тўловчилардан тушган тушумлар тўлиқ вилоят бюджетига йўналтирилади.

** Жисмоний шахслардан олинадиган даромад солиғи бўйича 3111104, 3111106, 3111300, 3111600, 3111800 даромад кодларига тушадиган маблағлар тўлиқ туман ва шаҳарлар маҳаллий бюджетларига йўналтирилади.

*** Давлат унитар корхоналарининг соф фойдасидан давлат бюджетига ажратмалар бўйича 3412110, 3412112 даромад кодларига тушадиган маблағлар тўлиқ вилоят бюджетига даромадларига йўналтирилади.

**** Ҳукумат қарорлари билан белгиланган нормативларга асосан тақсимланади.

Xalq deputatlari Buxoro shahar
Kengashining
2022 yil 30 dekabrda
VI-83-184-2-42-K/22-son qaroriga
5-ilova

**Бухоро шаҳар маҳаллий бюджетининг 2023 йил даромадлари ва харажатларининг
чегаравий ҳажми**

млн.сўмда

Бюджетлар номи	Даромад *	Харажат
Бухоро шаҳри	206 168,6	290 442,05

** мобил алоқа хизматлари учун акциз солиғи ва алкоголь маҳсулотлари, шу жумладан пиво учун акциз солиғидан тушумлар бўйича ўтказиб бериладиган даромадлар билан биргаликда.*

Xalq deputatlari Buxoro shahar
Kengashining
2022 yil 30 dekabrda
VI-83-184-2-42-K/22-son qaroriga
6-ilova

**Бухоро шаҳар маҳаллий бюджетининг 2023 йилги юқори бюджетдан
ажратиладиган тартибга солувчи бюджетларaro трансфертлар миқдорлари**

млн.сўмда

Шаҳар ва туманлар	Тартибга солувчи трансферт миқдори
Бухоро шаҳри	84 273,5

Xalq deputatlari Buxoro shahar
Kengashining
2022 yil 30 dekabrda
VI-83-184-2-42-K/22-son qaroriga
7-ilova

**Бухоро шаҳар маҳаллий бюджетида 2023 йилда йўл қўйиладиган энг кам
маблағлар миқдори**

млн.сўмда

Т/р	Худуд номи	Миқдор
1	Бухоро шаҳри	2 035,0